

重修兩淮鹽法志

兩淮鹽法志卷一百四十三

優恤門

濟收上

竈戶煎鹽而售之垣商垣商售之運商輓轡懋遷胥受其益鹽之爲利誠溥哉然自鄰私充斥官鹽減色而運商病矣岸銷疲滯垣鹽堆積而垣商亦病矣垣商旣病本絀力竭無錢收買而竈戶又病矣三病叢集於是濟收之說興焉濟收者發官款以收竈鹽所以紓垣商之力卽所以救竈戶之窮誠一時善政矣志濟收

乾隆二年十月鹽政三保以兩淮築壩挑河停運之時商

人不復向竈買鹽勢必售私與販奏請將運庫閒款錢糧動用數萬兩選擇殷實良商數人領銀到場會同場員照依時價收買歸垣俟明春開壩後發交各商領運繳清庫項

乾隆七年正月鹽政準泰檄場鹽衰旺有時全在乘時收買淮北各場以三四五月爲旺產二七八九月爲次旺自應於旺月照額儘收庶足應掣捆而濟民食乃場商惟知利己每次領課到手類皆別項營運或於鹽少之時預放利帳圖扣或俟鹽多無售乘急賤價勒買至本商額引之盈絀與辨運之遲速彼俱視同膜外卽如

上年春夏之交鹽池旺產彼時上緊收買何至額運不足乃若輩刁捐遲延必欲價值大減方行扣帳賤收詎意夏秋陰雨連縣場產稀少價值既難過減課銀又已花銷欲扣收而鹽數無多欲見買而無銀交易迨至額數難足又慮本商見罪則委諸竈戶透漏支吾掩飾誤運病商殊堪痛恨茲當陽氣升浮鹽產漸旺亟應乘時嚴飭場員督催場商儘數收買並飭淮商隨時發課儻敢仍蹈前轍遲延觀望及分司場員徇情容隱遲誤額運定行分別究治

乾隆九年十一月署鹽政吉慶以淮北各場秋冬產鹽甚

廣竈戶惟賴售鹽資生場商既不收買若祇禁其私售而不設法變通窮竈資生無術除配捆額引外尙多餘贍奏請於運庫雜項閒款內酌動銀五千兩飭發分司場員董率殷實良商儘數收買所買之鹽卽附存商垣俟明歲飭商領運繳價歸款既可恤竈又可杜私而商運亦資接濟

乾隆十六年閏五月鹽政吉慶批准運使郭一裕詳淮南各場因雨水產鹽稀少捆運維艱淮北之臨興場產鹽頗旺請酌借庫項給淮南程可正等五商前往收買以濟南運俟冬令鹽花歸土停止照數解繳歸款

乾隆三十一年九月鹽政普福奏准揚州淮安等處逼近  
場竈私鹽充斥前經會同督撫嚴飭各州縣嗣後拏獲  
私販務須訊明貢自何場何竈據實詳參不得仍前掩  
飾開脫冀免處分在案惟是竈戶煎鹽餉口不能暫停  
而商人按引配鹽收買足數須俟下綱再買彼時竈戶  
有鹽莫售積臬國私人等乘閒勾引興販是每年竈產  
餘鹽實爲私販之源必須設法查禁第竈戶生計攸關  
不便於商人買足後卽禁其煎鹽從前准北海州三場  
有每年動支運庫銀兩收買寒鹽之例請於淮南之通  
泰各場亦支生息閒款酌量各該場產鹽多寡核定銀

兩淮鹽法司卷之三  
數遴選官商領銀赴場將餘鹽儘數收買俟下綱商人  
領票到場先儘配運繳價歸款俾顆粒盡歸官買商竈  
兩有裨益

乾隆三十三年七月鹽政尤拔世奏淮南通泰二運判所  
屬二十二場自五六月以來雨澤稍稀場河淺涸鹽船  
不能出場抵壩確核江廣岸鹽原可銷至八九月內更  
有儀所陸續開運之船民食自不虞缺乏但目下垣鹽  
不能相繼出場而天氣久晴河流不暢不可不預爲酌  
籌以期有備無患查乾隆十六年淮北臨興一場匪產  
會令淮南商人領項買運是商人辦運總爲民食而南

北場鹽均可相濟見在淮北三場產旺商人配運有餘  
似可仿照舊案暫資接濟見令選司選派淮南股實數  
商酌定收買捆築規條於生息銀內量撥前往按照北  
商收買斤重價值捆配南引運赴儀所掣摺開江分運  
口岸奉

旨報可

乾隆三十三年十二月鹽政尤拔世奏向有借動公項飭  
商收買寒鹽之例乾隆三十一年又經前鹽臣普福酌  
動生息閒款發商收買餘鹽奏明在案查收買餘鹽原  
視年歲之豐穰與場鹽之旺產本非歲歲舉行今年淮



北海州三場涵旺鹽多商人配引之外資本微薄不能收買餘鹽若不發帑儘收貧竈既無資生私梟且從而興販隨飭據運使蔣賜棨詳動生息項內銀一萬兩交淮北殷商曹全吉等七名分領辦理於十一月十七日開垣收起至明年二月初一日爲止俟己丑開綱時令商人先儘配運繳項歸款奉

硃批知道了欽此

乾隆四十三年七月兩江總督高晉等奏各場煎曬鹽斤除額定配銷與本境貧民挑負之外再有多餘或旺產之年鹽數較多應將有餘之數盡歸商買以備提綱撥

補之需奉

旨俞允

乾隆五十年六月鹽政全德奏淮南銷鹽口岸統計存岸  
在途引鹽俱可銷至八九月但須預爲籌備見將淮北  
引鹽循例撥濟淮南轉瞬糧船過竣鹽開啟板北商仍  
可趕運以還原額復於五十一年六月奏准北引鹽因  
近年河南上江各口岸運艱銷滯積引太多奏蒙提出  
丙午綱免其捆運是口岸銷鹽雖少場竈產鹽未虧今  
旣停運一綱竈戶未免有鹽無售查淮南通泰各場上  
年被旱蕩草歉收煎熬較少產鹽不能足額今淮北旣

有存鹽正可以有餘濟不足請撥淮北多餘之鹽令淮南各商買運赴儀改捆濟岸奉

### 旨俞允

道光元年十一月鹽政延豐奏目前根本之計亟當恤竈培垣以爲利運裕銷之地見在飭令淮南官商查明停歇各垣勒限一月押令開垣補收逾限不遵另籤安商接開其有實在無力收鹽者准其自行覓售或租典殷商接辦此後務照額產儘數收買其有運商欠找垣商尾課者分別欠期遠近立限全數找清並令嗣後運商隨時付價捆鹽不得少有挂欠以資垣商從容收買如

此立定章程既可責垣按額收鹽即可責竈按時煎息  
道光十一年十二月運司俞德淵詳查本年通泰海三分  
司所屬被水成災各場竈鹽多被淹消停煎數月艱苦  
莫支而場商又因貲本不敷無力收買該竈丁等積鹽  
莫售生計實屬艱難蒙憲臺奏懇動撥銀四十萬兩爲  
收買竈鹽之用飭令署司督同各分司酌看各場緩急  
分別銀數多寡由運庫先放銀十萬兩以應急需自應  
遵照體察各場情形先其所急後其所緩以歸實濟查  
海州三場本年僅報歉收秋初甫經動發銀二萬兩官  
爲收買見又發銀一萬三千兩飭令各場收買零鹽足

資調劑其通屬九場額產不及全額十分之三本年被水較輕不致十分竭蹶惟泰屬十一場額產居兩淮十分之六垣商又多疲乏不堪本年丁溪等六場被水成災九分富安等五場成災五分雖經詳請蠲緩賑恤但竈丁以售鹽爲生見當冬令水涸正修理亭場煎鹽之際而存垣鹽斤並未運動垣商轉輸莫繼收買維艱不特竈丁有鹽莫售兼形困苦並恐任意偷漏必致短缺鹽不能接濟岸食其必須發銀收買情形較諸通海兩屬尤爲孔急所有奉飭動放銀十萬兩應請先儘泰屬各場分派至厯屆調劑銀兩收買竈鹽均係責令垣商

承領於發重時扣還歸款無如垣商窮乏者眾一經領銀到手非還前欠卽補己虧於竈丁仍無裨益迨至運商交易代繳扣款過多垣商所得鹽價不敷場船水腳不能卽時出場有誤勒交是以運商畏累不肯輕與交易以致本年發重較少所有歷屆請借調劑庫款歸補無期徒成宕欠查道光三年本有總商公堆收鹽之案兎經通泰各場官援案請辦此次奏借銀十萬兩應請責令辦事商人黃際泰等七家酌數分領前赴泰屬十一場將見在無商收買之垣所有丁竈煎出鹽斤儘數收買收有成數卽由該商等自行捆運仍委妥員周歷

各場督催趕收稽查收數隨時具報仍照案緩納課銀  
一兩七錢抵銷歸補墊款三錢每千引帶補淹消二百  
引一律帶殘於加斤時繳還鹽價給發梔水等票開行  
以符憲台奏明剋期歸還庫撥原款之案除諭飭辦事  
商人確查泰屬各場無商收買之垣其有幾處某商認  
定某場某垣分晰妥議收買捆運章程具稟領銀趕辦  
以專責成

互見  
恤鹽

道光十一年十二月戶部奏伏查兩淮各場竈戶俱係濱  
海窮民惟藉售鹽爲業如遇商人捆運不繼則竈丁生  
計維艱是以時屆隆冬往往官爲收買竈鹽以資調劑

有由商捐銀內輓轡轉借者有由運庫借給者歷次奉  
准通行在案今據兩江總督陶澍奏稱本年通泰海三  
分司所屬被水成災該鹽丁等積鹽莫售必得籌銀四  
十萬兩方敷收買之用等因臣等查道光二年九年節  
據兩淮鹽政等奏請借撥銀兩收買鹽丁均係聲明飭  
商按引扣收還庫檢查各該年奏銷冊報惟九年借撥  
項下扣收銀六千餘兩其二年收買銀兩迄今並未據  
造報扣還在竈丁固當矜恤而帑項亦未便置之不顧  
且於本年五月據該督以淮北商力積疲奏請在於已  
丑殘引加斤項下借給銀八萬收買餘鹽奉



旨允准甫經半歲復以二十三場通籌調劑撥借至四十萬兩之多似此逐年籌借視爲泛常誠恐愈積愈多必致屆期歸款措詞推展出納自由殊屬不成事體查歷次收買餘鹽成案亦祇借給銀十萬兩此時遽請將收撥之款動給至數十萬兩是名爲窮竈謀生實無異爲乏商借本儻各商承領後不能如期歸補轉使實存在庫之銀又成懸墊於前奏庫項各歸各款不准借墊章程亦屬不符況運商旣無力運已捆歸垣之鹽轉使趕運官買恤竈之鹽動用銀款以緩納一兩七錢是緩急不能合宜措置咸多失算不若先將十萬兩均勻散給拯恤

目前災丁不致流離失所帑項可期慎重今既稱本年  
通泰海三屬被水成災視往歲竭蹶情形較重該督已  
於運庫先放銀十萬兩以爲收買之用應准其援案暫  
借銀十萬兩俾資生計仍令速飭商人趕緊捆運將庫  
撥銀兩如數刻期補納歸還原款毋許仍前按引攤還  
致滋延宕奉

旨依議欽此

互見  
鹽竈

道光十七年十月海分司童濂稟各場竈戶俱是貧民並  
無蓋藏每交冬令池丁必須預借錢文以資衣食名爲  
寒付相沿已久從前鹽由丁販自相交易多係隔年定

買池丁預收票販之價以定來年之鹽因而藉資濟竈嗣因池丁擡價居奇無隔年預收之價卽無寒冬濟竈之資不能不官爲接濟而官收之法亦未能徧及因思票鹽例價六錢駁費三錢本係票販年內付給今擬將九錢之價分作三次先於年內在庫存項下動支銀兩按照正額二十二萬引每引先發三錢飭令局商帶同各池丁當堂具領俟來春票販繳呈鹽價每引六錢內扣回三錢歸還庫款以三錢發給池丁俾資收買仍有駁費三錢俟交鹽時由票販自行付給以備捆駁如此則年內濟竈有資而來年池丁收鹽交捆之時皆有鹽

價撥費可領庫項亦不至久懸至西臨花垛兩局客池  
歸曉稽埽每引鹽價六錢籤席人工一錢二分通共七  
錢二分亦於年內預發三錢於來春繳呈六錢內以三  
錢還庫三錢給竈下存一錢二分由票販捆鹽時自給  
是否可行仰乞示遵經鹽政陶澍批寒付一項自應官  
爲籌畫准其如詳辦理

同治六年六月署運司程桓生詳據棧商宋錫莊等呈稱  
竊自咸豐癸丑兵燹之後各場垣商倒罷十居六七丁  
巳秋奉改新章每場或存數商或一二商收合餘燼竭  
力經營方期漸有起色乃通屬復遭庚申東壩之厄泰

屬復遭上年西水之災舊痛新傷不圖相繼奇窮極苦此所由來猶幸江路暢通方冀岸銷暢旺不意去冬至今運商之回課甚稀場商之來源遽絕各場所賸有盡之錢斷不能收無盡之鹽恐一經紛紛停桶流弊將不可勝計等情當飭該商等妥爲籌議批示去後旋據該商等復稟運商場商同受岸銷太滯之苦願運商苦於滯銷而暫時停運於大局尙可無妨場商苦於滯銷而相率停收流弊不可勝計且今日之場竈整齊收數日廣非旦夕功也一旦停收則前功盡棄各場煎丁人數甚多一日不煎則一日不食若不亟思拯救恐老弱者

填於溝壑少壯者另作他圖將來岸銷復暢需鹽孔殷再思整頓又非易矣擬請詳明即將運商在岸所繳預釐酌提數成解至司庫陸續借給場商廣收竈鹽仍嚴定按引扣繳章程於場鹽運至瓜棧先將借款照章扣繳方准定立交單以免懸宕似此一轉移閒於庫款並無出入場務得此轉機即可儘產儘收目前既無停桶之虞即將來各岸暢銷亦不至無鹽供運等情前來署司於四月閒分派委員於通泰各場逐一查察情形其中疲乏之商固多而力可支持者亦尙不少擬請借撥制錢奉屬四萬串通屬三萬串共錢七萬串均由該

分司等出具印領裝運下場擇其最爲急切場分量予  
接濟經鹽政會國藩批查淮南通泰場商拮据情形本  
部堂於二月間過揚時曾據該署司面陳本有略予接  
濟之意嗣據詳請緩納稅課迄未舉行茲又據各商遞  
陳艱窘經該署司札調通泰兩分司妥籌仍請借撥庫  
款收鹽係爲力顧場竈根本起見披閱所呈清摺第一  
條泰屬額產多於通屬准如所議籌撥制錢七萬串以  
四萬串發泰三萬串發通均由該分司等承領設有虧  
短惟該分司等是問司中擬動何款將來發給何場若  
干仍應開摺報查第二條通泰場垣極多勢難徧給此

項錢文祇准專濟產數較多商力極疲之垣由場官督  
同公收不准絲毫挪作別用違者參處向來商人請發  
庫款每受丁胥挾制任意需索商惠未沾而中飽已甚  
此爲鹽務積習本部堂素所深惡此次自司署以至分  
司場官衙門如有藉端勒索分文察出定行提省嚴辦  
務須痛除積弊從嚴禁革第六條此項鹽斤運出自應  
歸棧發售按引扣價歸款惟瓜棧售鹽見經另札棧委  
重整輪規將來亦應換輪售賣不得以請款收買藉口  
希冀搶售以昭畫一第八條各商領款後隨運隨繳爲  
日固屬無多獲利亦甚有限所得餘資准歸承領之商



同治六年十二月運司李元華稟奉憲臺批本司詳據泰  
分司稟請續發庫錢接濟各場垣商收鹽緣由奉批昨  
據瓜棧程道稟請就到輪待售之鹽由官借給鹽價每  
辦  
公同攤派以示體恤其餘四條亦屬周妥仰卽轉飭遵  
辦

謹按此次借款經運司呈報動用司庫南臺商捐錢  
二萬二千二百六十六千九百三十六文又裁減成  
本各款錢三萬二千三百四十七千六百二十七文  
尙不敷錢一萬五千餘串在於金山寺捐內借銀易  
錢湊足七萬串如數支發

同治六年十二月運司李元華稟奉憲臺批本司詳據泰  
分司稟請續發庫錢接濟各場垣商收鹽緣由奉批昨  
據瓜棧程道稟請就到輪待售之鹽由官借給鹽價每

引二兩給商收鹽業經批准另札該司籌解銀六萬兩  
場商得此調劑當可收然眉之急所請將前發收鹽錢  
文再撥一次應毋庸議仰仍照章俟運商買鹽付價時  
按引核扣以便歸款等因旋據泰分司稟稱竊卑職稟  
請續發濟收一款先撥一萬串以免誤收緣由業奉批  
允其時卑屬草堰伍祐兩場產數正旺商課斷流專待  
此款濟收該兩場大使率同各商來東守領卑職因思  
此項先撥一萬串旣蒙恩准自可通融辦理俾免株守  
羈遲乃於東臺縣歐陽令處商借庫錢六千千文又梁  
垛場徵存折價項下暫借錢一千千文又向本地元盛

錢店借錢二千千文又給函令伍祐場遣丁逕赴總局領錢一千千文共計一萬串分給草堰四千串伍祐六千串當據各該官商面領訖出具監官承領各結呈送彙轉在案卑職隨卽函知總局按數彙付以清借款去後茲於本月初六日接准總局來函以此案見奉督憲批飭因瓜棧另稟借銀六萬兩接濟場商所請續撥一次應毋庸議等因卑職伏思此次一萬串緣以奉准於先始經設法借給一面函致總局匯付今欲將已發之款仍行收回不特該商等已經續收後鹽無從措繳而卑職亦未便旣與復取致失眾望惟有仰乞憲恩仍照

前稟轉詳抑或將此已給一萬串飭令總局照數匯付  
一俟該商等運鹽到瓜先儘此款扣收清訖等情本司  
伏查此項錢文見雖尙存總局而蕭運判因草伍兩場  
竈鹽旺產先行設法借墊一萬串分給草堰四千串伍  
祐六千串係爲力杜竈私起見旣已收鹽在堆而遽令  
繳還恐各場一時力有未逮可否俯如所請將此已給  
一萬串飭令總局照數匯付一俟該商等運鹽到瓜先  
儘此款扣收清訖經鹽政會國藩批此等款項本應詳  
奉批准方可動撥惟伍祐草堰爲泰屬最要場分正值  
冬產暢旺急待濟收該分司先行借款墊給尙屬因公

准如所議將此已給一萬串飭令總局照數匯付仍俟該商等運鹽到棧先儘此款核扣歸庫具報仍移知瓜棧程道知照嗣後凡請撥款皆須以奉批爲准其當於事理者亦無不批准也

同治七年三月伍祐場垣商尉宏美等稟伍祐場額產最大計其四十餘垣向皆商本竈置歷年付竈計欠有百餘萬串各垣認欠收鹽名曰主顧是爲竈亭則竈欠錢文卽商垣血本節年修置亭竈統計續放新欠又約十餘萬串產額漸復力乏者招商租附稍裕者顧收亦難顧運蓋昔鹽務盛時場商售鹽亦僅由場送壩運商運

儀出江此以晝場運而分責成也見奉運儲瓜棧並邀  
庫借之恩實爲至公之法無奈商等祇此一副貲本挨  
輪待售銷暢則課速銷滯則課遲濱海竈丁不煎不食  
商等鹽本占攔課無來源各竈曉曉商情之急固不待  
言見因棧鹽壅積停重以銷積引課無周轉誠慮各垣  
不得已而停收上年西水後竈丁有逃至江南開墾田  
畝者商等繭經設法招回設一旦停收必致丁渙竈荒  
良者透私病岸莠者聚眾爲非害有不可深言者前奉  
憲恩撥款濟收節經收齊運瓜待售今雖邀恩續發一  
次亦難收無窮之鹽查奉提各款內已沐免提奏屬場

店辛工一款見值軍需漸次告竣仍有各捐等款可否  
一併量爲邀減免提庶免虧累經鹽政會國藩批細閱  
所稟各條固多危聳之語至發場七萬串已准其續借  
辛工四十文已准其免繳此外無可再行減免目前場  
商之病不在無利而在無本無利則其權在官本部堂  
尙可補救無本則其病在商本部堂勢難代謀其實在  
無力收鹽之垣或設法歸併或覓商頂替或收回運資  
專顧場產或添措鹽本藉資周轉全在該商等各就各  
垣徐徐佈置祇須經理得宜不貪多不妄用滯銷時驟  
能耐守暢銷時便覺從容場垣究是基業務須晝經久

之策勿徒作冀倖之思

謹按是年六月尉宏美復稟請借庫銀二三萬兩暫  
濟收鹽未經批准

同治八年八月鹽政馬新貽於長江水師存款內撥借銀  
十萬兩發商濟收嗣於九年歸還本銀仍發場商濟收  
竈鹽

同治十年二月運司方濬頤詳據通泰場商景駿發等稟  
去冬今春各岸銷市未起瓜棧積存十二萬引泰國又  
積數萬引壅滯至極本年瓜棧甫經開市各岸買運尙  
未踴躍見值春晴產旺垣收催迫商等貲本告竭設至



漏收透私則場岸兩病商等負疚益深惟有籲懇詳請  
籌發公款十餘萬兩給商等承借濟收俾得暫紓眉急  
保產杜私本司查運庫見存正雜各款爲數無多抵應  
額支額解尙不敷用無從籌借惟該商等因銷市疲滯  
無力收鹽係屬實情相應據情詳請另行籌撥經鹽政  
曾國藩批候札飭海分司在於淮北徵存新綱半課及  
隄工捐款項下酌撥銀十萬兩刻日委解瓜棧由該司  
會同薛道按引派借專爲收鹽之用惟派借之法若按  
存場鹽數旣恐報數不實且場鹽倍於棧鹽零星分攤  
每垣所得無多仍屬無補於事而海分司所解之款隨

時需用又非水師餉銀可比不能久借本部堂再四斟酌西岸將開新綱瓜棧先到之鹽卽可領價訂單無庸借款應扣除到棧在先五萬引自五萬引以後查明存棧實數按引派借其已運泰州之鹽與存棧無異亦應一律借給以昭公溥統俟售鹽時按引扣繳歸款

兩淮鹽法志卷一百四十三

三

兩淮鹽法志卷一百四十三

兩淮鹽法志卷一百四十四

優恤門

濟收下

同治十年三月運司方濬頤瓜樓道員薛書常詳奉憲批  
籌款濟收於新綱半課等項內借給等因查此次借款  
專爲接濟春產起見一放一收必須確有把握且見到  
之鹽多係領過水師借款與戊辰年借給庫款情形不  
同自應統籌全局俾扣收時不慮無著酌擬章程四條  
一畫除五萬引分別尖和各數以示限制一已運到泰  
之鹽一律照借以示均平一憑照蓋戳加具領狀期有

把握一按引歸款請在預價扣收免致遲誤經鹽政曾國藩批此次借給場商公款與前次借給水師餉銀情形稍有不同將來扣收歸款即可由淮南總局陸續解還海州分司隨時具報並無須再由運庫出入以歸簡便

同治十年五月運司方濬頤瓜棧道員薛書常詳據泰分司稟富東何丁四場銷滯本摺均屬難支此中東何尤甚非設立公垣別無他法請將藩庫生息銀兩借給東何二場接濟官收經鹽政曾國藩批准

光緒二年九月儀棧道員龐際雲申藩庫公款十萬兩自

同治十二年八月發借起至本年八月止已屆三年歸本之期准梅藩司咨開此項生息銀兩司庫係抵放輪船經費等用可以照舊借撥等因除札飭淮南總局將此次續放官款按照清查實存堆鹽另擬折借成數及每引扣還本銀若干一併妥速議章稟候核辦外相應具文申報

光緒二年十二月運司歐陽正塘稟目前救急之事莫如調劑場商俾得儘產儘收以免竈私輟轉達岸之弊從前曾文正公深憫場商艱苦因定運商預付五成鹽價章程定章之初運商繳價踴躍於場收尙有裨益近年

運商心計愈工兼營他業岸售鹽價不僅專爲運鹽之用必探明開綱有期甫行到揚投客繳價場商所領前五成鹽價雖有預付之名而無預付之實見據泰州分司蕭運判稟稱所屬各場半多無力接收勉強支持並無見錢應付僅給垣條俟課到發錢龍戶苦累不堪若不設法補苴將來不堪設想本司再四思維惟有將運商繳價章程從嚴核定俾場商早日領價濟收未始非扶持困場之一計惟是目前場務勢如倒懸尙非整頓預付鹽價一事所能蘇困本司愚昧之見擬請於閒款項下暫行借撥銀數萬兩仿照水師官款生息章程發

給場商俾資調劑經鹽政沈葆楨批所請飭撥閒款調劑場商但求有款可撥斷所不吝司庫正雜兩項既屬不敷商捐應備工賑之用此外惟儀棧尙可通融究竟有無存銀仰卽會商龐道稟復核辦至運商應繳五成鹽價分別綱分已開未開實限飭繳立法最爲平允如果運商竟不遵章呈繳必由該司嚴加整頓若欲另定嚴章無論運商未必遵依卽使鹽價收數日旺而場商無從全領蓋不開綱不能發照不發照不能運棧不運棧不能領價層層鈐束方免流弊儻鹽未到棧而價先發場則虛買空堆搶跌售價百弊叢生害無底止目前



場務誠如來稟非專整頓鹽價一事所能蘇困其非關要緊之差自應量爲裁減該司卽破除情面斟酌稟辦以歸核實

光緒三年二月運司歐陽正塘稟查官款接濟乃一時權宜辦理祇能暫顧目前之急若爲場商計及久遠舍整頓預繳五成鹽價別無拯救良策查運商在岸售出鹽價本由督銷局分別扣存給發擬請將五成鹽價仍照從前章程繳銀由督銷局於核扣預釐時將預價三兩一併扣存按月彙解淮南總局卽於環運文內敘明給商赴場投咨皖岸不扣預釐於售鹽後亦照鄂湘西一

律辦理總局收到鹽價仍按照到鹽次第核給如此提  
前早繳在運商不過少捐月息即可蘇場商重利盤駁  
之苦且有鉅款見銀陸續到場應市流通可以救見在  
概用匯票之病本司目擊場艱反復討究僉謂扶持場  
因莫善於此程道節省款四萬金可以發商濟收具徵  
不分畛域顧全大局本司擬卽屬其解揚連同司庫所  
籌三萬金一併與龐道商酌辦理溯查同治六年程道  
在署司任內籌款七萬串發商收鹽餘利全行給商官  
不收息見在商情困苦已極似宜格外體恤以示維繫  
外撥銀兩自應仍照藩糧公款一分取息司庫三萬兩

擬照從前程署司舊章不收官息兩款搭配借放如領外撥有利銀一千兩搭借司庫無利銀六百兩統爲扯算計繳息六釐有奇庶輕一分商利卽受一分之賜經鹽政沈葆楨批查五成鹽價本係運商應繳之款旣據該司擬請改由督銷局扣收按月截數彙解總局係爲提早時日起見仰候通飭四岸督銷局查明摺開章程分別辦理惟鄂湘西皖四岸之價全歸總局轉發錢莊統年總計爲數甚鉅平色及錢價已據該司立法防範其錢莊設有虧空應如何著落賠償存銀必有折息如何核實歸公再由司議詳立案所稱發商濟收之款司

庫所籌三萬兩擬照舊章不收官息其程道局用節省  
項下借撥銀四萬兩仍照藩糧公款一分取息與司庫  
一款搭配借放所議均屬妥協應卽會同麗程兩道妥  
商酌放

附運司擬五成鹽價改扣見銀解放章程三條

一五成鹽價每引改收見銀三兩鄂湘西於核扣預釐  
時每引扣銀三兩皖岸於售鹽後亦照三兩核收無論  
收數多寡按月截數委員解交揚州淮南總局湘岸道  
途較遠其應解鹽價銀或由湘局解至鄂局再由鄂局  
按月并解或由湘逕解揚州或由匯票專人寄揚均應

由湘岸督銷局酌核情形辦理各局解銀盤川如能卽在岸收局費內開支最爲直捷儻岸局局費不寬未能代籌應酌定數目由司另行籌給

一鹽價改收見銀仍須易錢發給場商方能核算後五成應找牌價應定整齊畫一辦法以杜高下參差之弊俟奉文批准擬由總局諭飭向來收放鹽價錢莊每日將銀價報明總局牌示局門其銀價平色以每百兩加二兩庫平寶銀爲斷各岸局鹽價銀解揚卽於解到之日由局傳集各錢莊將解到之銀儘數分派給領照是日牌示銀價合錢登摺各岸平有高下統照加二庫平

甲算不准信宿停留仍將所兌銀數榜示局門按照岸局原咨名引某商繳銀若干兩易錢若干文在榜示內逐商註明發給買鹽照單時所繳鹽價以銀合錢數目載明照內俾運商一望了然卽知後五成鹽應找繳若干平色高下銀價參差之弊均可杜絕

一鹽價改由岸扣專爲提前及見銀到揚起見至發給場商總以鹽到儀棧爲主見在棧存壅積固是鹽多價少卽使將來價多於鹽總局發交各錢莊之款積有存餘亦應仍照舊章辦理以免脫空

謹按五成鹽價每引繳錢五千至光緒七年嚴立給

咨到揚限期以銀易錢仍由商人自行料理免錢莊把持之弊扣價亦不由岸局轉解互見票法新章立法乃盡善矣

光緒三年七月運司歐陽正墉稟湘岸督銷局惠道擬定運商到揚繳價立限一稟奉憲臺批湘岸距揚較遠固係實情惟投咨限期雖議從嚴而預價則請由商自行料理與鄂西皖三岸辦法歧異仰准運司迅速妥議稟復察奪伏查五成鹽價改爲岸扣解揚奉批行通飭遵辦惠道等以湘岸距揚較遠請將咨文立限一月到揚並因礮船解銀不能迅速轉恐落後擬將預價照舊辦

理聽商人自行料理誠如憲批投咨限期雖從嚴而預  
價辦法與三岸歧異自應再行妥議期於便商之中使  
各岸不得有所藉口查湘至鄂遠隔洞庭風信靡常解  
銀難於剋期與鄂西皖三岸情形自不相同本司前請  
改歸岸收無非爲場商提早濟收起見並無苛待運商  
之意今湘岸以解銀從速爲難擬將投咨限期從嚴較  
昔年六十天舊章減半起限定爲三十天到揚仍與本  
司力求提前之意相合但投咨有限而繳價無限卽與  
他岸歧異應請仍照原定領銀後五天內繳價章程於  
岸局給咨之日起限三十五天赴局投咨繳價逾限卽



由總局將該商本綱引票扣運一次隨時稟報概不准以阻風患病等詞聲請以示懲罰而杜取巧揚州本有湘省匯票銀局訪聞各商鹽課匯揚不過半月極爲靈速如果運商於售鹽後即將鹽本銀兩交匯定可依限繳價不致遲誤如此變通辦理似較本司前定章程有速無遲所有運商在岸銷竣前鹽及領咨日期應由督銷局按旬開單逕飭淮南總局知照以便隨時查核經鹽政沈葆楨批允

光緒三年九月運司歐陽正埔稟據西鄂湘皖四岸運商廣昌隆等稟稱竊商等預繳五成鹽價前半飭改由岸

收專爲場商疲困提早接濟起見並蒙一再斟酌詳定  
由岸扣解到揚卽由總局將原銀發交自行兌錢限五  
日內仍照舊章每引繳錢五千文於立法之中寓變通  
之意已勉力奉行茲鄂西皖均已在岸扣繳西皖並經  
解過到揚照發原銀從前所慮錢店諸弊自盡祛除惟  
數月以來商等在岸請咨立時攜帶來揚而鹽價銀兩  
如本月扣繳者必至下月方能彙解長途阻隔時日稽  
延深慮早到環咨無從趕運又值開綱在卽而殘綱之  
票咨文俱來鹽價未到不克趕速運竣以清綱分將來  
屏入新綱辦運愈遲輪售愈後綱分界限從此難以畫

清而商等因在岸扣價貽誤運務卽場商亦因轉折策  
解仍不能早領濟收商等反復籌思儻分別四岸嚴定  
限期限期卽在咨文上註明限某月某日到揚隨咨呈  
繳五成鹽價逾限將票停運各商以辦運爲生業咨文  
所關甚鉅斷不肯因五千文一引之預價而玩泄自誤  
巧者必不肯爲卽愚者亦知不可如值趕運之時定當  
先期而至決無逾限不到之理況發交原銀亦係限五  
日內繳錢同一立限同一示罰詎不違此而敢違彼似  
嚴定期期尤速於在岸扣繳也儻必欲執由岸扣收之  
法或飭令各商領咨時將五成鹽價錢文在岸局呈繳

本花名匯票按旬封寄淮南總局匯票到後傳知各商  
限五日內將見錢繳局發還原票設咨文已到而匯票  
未到如值趕運之時即可先繳見錢由總局給一收照  
仍俟匯票到日再由該商檢呈收照換回匯票但不繳  
見銀既省解送之煩費且免時日之耽延而商等銀未  
扣去貲本見成咨文到揚不難先繳似在岸改繳匯票  
亦速於批解見銀也總之局商早一日領價自得早一  
日濟收而運商早一日辦鹽亦得早一日輪售其求早  
之心場運初無二致且運商運鹽惟春秋兩季爲宜冬  
則水勢淺阻夏則風暴堪虞當此秋令便於行江而殘

綱又迫於趕運祇以岸扣鹽價遲誤故商等辨論至再莫如定限繳價得以因時運鹽又據淮南總局議覆查五成預價前奉改由岸扣解揚係爲場商提早濟收起見西鄂皖三岸均已將各商鹽價銀兩按票扣繳先後解揚惟湘岸以程途距揚較遠解銀從速爲難督銷局遂有嚴立限期令運商到揚自繳預價之請湘岸自限定以後各商到揚投咨繳價者均在十天半月之內比見定三十五天繳價之期有速無遲似較岸扣解揚尤爲迅速與提前濟收之意極爲脗合湘岸旣已立限遵辦西鄂皖三岸如仿照湘岸章程分立限期亦可期於

畫一該運商等所稱在岸扣繳銀兩本月所扣者必至  
下月方能彙解屈計長途風信靡定其閒輾轉時日西  
鄂兩岸非四五十天不能到揚皖岸亦須三十餘天是  
嚴定期限實較在岸扣繳爲尤速尙屬實情似應俯如  
所請分別程途遠近統爲嚴定期限查各岸運商投咨  
繳價原定限期湘岸六十日鄂岸五十日西岸四十日  
皖岸三十日擬請嗣後各商在岸一經售鹽卽在岸局  
繳釐領咨其限期鄂皖兩岸仿照湘岸減半章程西岸  
雖道里較近於鄂而由吳城至九江東下轉不及漢口  
直下之速擬請照原限減半再寬期五天鄂西兩岸自

岸局領咨日起限二十五天到場皖岸限十五天到場  
各再予限五天赴局投咨繳價逾限卽由卑局將該商  
應運引票隨時扣運具報概不准以阻風患病藉詞聲  
請以杜取巧可否卽照該商等所稟請咨明各岸督銷  
局將所定限期卽於咨文上加蓋戳記以便隨時查核  
辦理並請咨明以後在岸各商銷數領咨各日期由各  
督銷局按旬開單逕飭卑局知照並由輪船局寄揚以  
期迅速所有在岸呈繳匯票應請毋庸置議各等情候  
示飭遵經鹽政沈葆楨批准

光緒九年正月運司孫翼謀淮揚道徐文達稟奉憲台札

以通泰場商新同泰等稟場鹽壅滯請借撥庫款至三十萬兩究竟有無閒款可撥約可借撥若干飭司核議覆奪等因伏查場商爲鹽務根本課釐之所自出轉瞬春產暢旺待款濟收需數甚鉅要在貲本充裕產儘收以期少透一引之私卽多收一引之課旣據該商等因場鹽壅滯周轉不繼稟請借給庫款以資接濟自應准如所請辦理本司職道一再籌商擬於司庫各場解存折價項下借撥銀十萬兩俟來春察看產收情形如須續借再行酌撥銀二三萬兩總期於場務有裨庫項無虧斯爲妥善經鹽政左宗棠批折價係報部正項改



於淮北票費內借撥銀五萬兩以利轉輸

謹按是年五月續發平江票費銀三萬二千兩十一月又發報效票費銀十萬兩交場商濟收

光緒十年三月鹽政曾國荃札照得場鹽爲鹽務根本垣商本足儘產儘收窺戶糊口有資場私白淨淮南近年各岸銷數疲滯存岸之鹽旣多積壓存棧之鹽轉運不靈場商貲本已形占擱上年各錢莊紛紛倒閉銀路艱窘始則通移不易繼則借貸俱窮當此春產旺收聞各場幾有坎桶之慮本爵部堂道出邗江目擊商情困苦有岌岌不可終日之勢不能不設法接濟以保大局應

在運庫及海分司庫徵存正項內各提銀十萬兩共二十萬兩發交淮南總局查明各商存垣存棧鹽數憑鹽攤借此項銀兩祇准收鹽不准挪作別用其應如何按引扣還如何按年認息仍由運司查明向章妥議具詳嗣據運司孫翼謀詳此項徵存正課內各提銀十萬兩共二十萬兩按通一泰二章程逕由通泰兩分司查明各垣堆鹽之多寡定各商領借之數目按月由分司衙門將承借商名銀數移知總局照借款生息舊章按引扣還計通屬應承領銀六萬六千六百六十六兩泰屬應承領銀十三萬三千三百三十四兩

光緒十年七月鹽政曾國荃咨戶部閏五月准咨運庫徵存淮南北正課項下提銀二十萬兩借給場商應如何按引扣繳卽行妥議章程報部查核至所稱分年認息一節非政體所宜且恐扣款遲延致蹈帑利無著之弊著毋庸議等因當經飭據署運使張富年詳據總局查議各商將來鹽運到棧出售時於應領鹽價內每引扣還銀一兩一俟扣足銀二十萬兩卽當停止至認息一節通泰兩屬場鹽收多售少本年春產較旺雖奉發款濟收仍虞不繼轉瞬秋收商力更形支絀前項借給庫款謹遵部文免其繳息以恤商艱

光緒十年七月署運司張富年稟查運商預繳五成鹽價  
向由淮南總局查照場鹽到棧先後按引挨次核給以  
濟產收嗣因運商投繳遲延光緒二年冬間歐陽前司  
請由各督銷局每引扣銀三兩按月提解來揚鄂西皖  
三岸均已奉行惟湘岸以路程較遠未能遵辦改將各  
岸投咨繳價限期分別酌定逾限停運示罰先後稟准  
施行所以爲場務謀者未嘗不周且密惟投咨有限期  
而請咨無限期運商必待新綱將開始赴督銷局請咨  
開綱後一面投咨繳價一面訂交過鹽與見買見賣無  
異運商有預付之虛名場商無預領之實濟目下場情

困苦已極若仍任聽延緩何以濟竈產而拯商艱伏查  
售鹽給咨各岸均有清單按旬送司備核惟是某日售  
清之引應於某日給咨向未明定期限運商價隨咨繳  
遲領一日之咨卽緩繳一日之價而場產需款接濟早  
付一引之價乃多收一引之鹽此時欲杜預價遲延惟  
有將各岸應給還咨一體立限飭領經鹽政曾國荃批  
所稟係爲藉紓場困起見仰候札飭四岸督銷局各就  
運商情形妥議限期詳覆飭遵

光緒十一年二月署運使程桓生詳前撥借淮南北庫款  
銀二十萬兩奉准於鹽運到棧出售時每引於應領鹽

價內扣還銀三兩見在已扣過銀一萬一千九百餘兩  
轉瞬訂單暢旺扣數自必增多惟目前春產已屆場鹽  
湧旺正需錢濟收之時前奉借給票費銀兩既須提回  
若將此項庫款同時扣還一律歸庫勢必竭蹶倍形益  
難周轉據分司等稟應將前發庫銀二十萬兩由局隨  
時收回轉輸續發一次仍循舊章憑堆攤借前來署司  
查所稟係爲慎重庫款起見伏候示遵經鹽政曾國荃  
批允照辦

光緒十二年十月鹽政曾國荃批通泰場商和同昌等稟  
請續放庫款以濟春產一案查此項借款前次因銷路

疲滯錢鋪倒閉不得不設法接濟見在岸銷雖未暢旺而銀路業已疏通達部正項本未便久假不歸惟該商拮据如故而突將不須繳息之巨款驟然收回緩急難繼准將續放之銀俟陸續收回再行接借一半銀十萬兩庶於庫款場情得兩全之道候札司棧遵辦嗣於十三年正月運司詳查正項庫款二十萬兩續發案內業經收回銀三萬七千九百四十九兩已據該局解還南北平銀一萬兩在庫所有存局南北平銀二萬七千九百四十九兩自應查照舊章憑堆攤派隨放以濟春產一俟十萬兩放清其餘續收之銀應照南北平分別解

## 還歸庫

光緒十四年三月鹽政曾國荃批通泰場商謙益豐等稟請續發銀兩一案查此項借款係達部正項業已續放三次本應繳庫惟見因黃溜南趨商情觀望所陳場垣困苦自係實情所有前發庫項十萬兩准予再借一次照章核扣歸款以濟產收而舒場困候札司棧查照

光緒十四年八月奏分司沈桂淮南總局林鍾暎等稟丁溪一場收多銷少資本占擱垣主既無力自顧新商又裹足不前竈鹽無窮官款有限非廣集商力不足以支全局合將丁溪場葉大使督商公議章程呈請示遵一



兩湖鹽法司卷之二十一  
招股須減輕資本也一公收須按產集資也一裁減浮  
費以廣招徠也一收本給照以昭信實也一收鹽期分  
宜定限制也一集股承辦須有專責也一集股自應籌  
足也一鹽數應照旬報也一重鹽需款須令籌備也一  
按股分利以示大公也經鹽政曾國荃批准

謹按是年十一月奏分司稟東臺何垛兩場請照丁  
溪公收章程招商願產十二月又稟伍祐正倉各垣  
仿照丁谿公收章程招商願產十五年九月通分司  
詳李堡各垣竈鹽無商收買請照集股公收成案招  
商接辦均經運司詳報鹽政批允

兩淮鹽法志卷一百四十四